





10/1









46936 - 74

H. 2498

Boucher (D.)

Lelong II, 18754 n

HISTOIRE

TRAGIQUE ET MEMORABLE DE PIERRE DE GAVERSTON Gentil-homme gascon, iadis le mignon d'Edouïard 2. Roy d'Angleterre, tirée des Chroniques de Thomas Valsingham, & tournée de Latin en François.

Dedie'e à Monseigneur le Duc d'Espernon.

Avec la requeste sur les Estats
de la France.

M. D. LXXXVIII.

THE NEWBERRY
LIBRARY

Cane

F

39

326

1588 w

ANAGRAMME.

Pierre de Gauerston.

Periure de Nogarets.

QVATRAIN.

*Gauerston meit-en souffrance,
L'Angleterre par ses rets:
Ainsifais-tu de la France,
Periure de Nogarets.*

Ex Baleo.

Thomas Valsingham, Anglus, Monachus Benedictinus, congeffit ex aliorum historiis, de rebus gestis Anglorum lib. i. Historiam breuiorem, lib. i. Auctuarium polychronici, lib. i. Acta regis Henrici 6. lib. i. Claruit anno 1440.

Dubal. H. 1636



A TRES-HAVT ET TRES-

PVISSANT, IEAN LOVYS DE
Nogaret, Seigneur de Fontenay en Brie,
Duc d'Espéron, Cheualier des deux
Ordres, Colonnél de l'Infanterie Fran-
çoise, Admiral de France, Gouverneur
des pays de Prouence & Normandie, &
des villes de Mets en Lorraine & Bou-
logne en Picardie, Maistre des Finances
du Roy, &c.

MONSIEVR, ces iours passez
m'ayant esté communiqué par un
Génil-hôme Escossois, un historien
Anglois, nommé Thomas Val-
singhan, qui viuoit il y a cent cin-
quante ans, ie tombay fortuitement sur la vie de
Pierre de Gauerston, qui fut iadis de vostre pays de
Gascongne, & autant aymé & fauorité du Roy
Edouard 2. d'Angleterre, que vous pouuez estre
de Henry 3. Roy de France, & qui couroit mesme
fortune que vous faictes maintenant. Ie pensay in-
continent en moy-mesme, que pour ne faire cognoi-
stre à vous, comme i'ay souvent desiré, ie ne pouuois
mieux faire, que de traduire ceste petite histoire de
Latin en François, & luy faire veoir la lumiere
sous l'authorité de vostre nom, m'assurant que
outre le singulier plaisir que vous y prendrez, elle

EPISTRE.

en sera mieux recueillie de ceux qui se delectent à l'histoire. Car comme vous pourrez veoir en la lisant, le pays, les parens, le naturel, les conseils, les ruses & artifices, la fortune & le progrès des actions de ce Pierre de Gauerston, symbolisent entièrement avec les vostres. Il ne vous reste que la fin que nous croyons estre semblable. Car cest une chose ordinaire que tous ceux qui ont abusé de la faueur des Roys, au preiudice & detrimēt du pauvre peuple, comme Gauerston & vous auez fait, reçoient tousiours une fin funeste & honteuse, pour un guerdon de leurs forfaitz. Tesmoins en peuuent estre, un Aman sous le Roy Assuere, un Seianus, sous l'Empereur Tybere, un Vetricius Turpinus sous Alexandre Seuer, un Pierre de la Breche, sous Philippes le Hardy, & plusieurs autres dont les histoires ne sont que trop farcies. Chose qui vous deburoit contenir aux bornes de vostre deuoir, & faire penser a vous de bonne heure, sans plus vous confier en ce Demon, lequel autrement, quoy que vous attendiez, vous donnera du croc en jambe. Je trouue aussi qu'il y a grande conformité de vostre surnom à celuy de Gauerston, combien que au son & à la prononciation ils soyent grandement differents. Car en l'Anagramme de Pierre de Gauerston, il se trouue, Periuire de Nogarets, devise qui vous conuient fort, & qui est merueilleusement bien appropriée à vous, qui contre la foy que vous deuez à Dieu & à l'Eglise, au Roy & au public, supportez & fauorisez les Heretiques, Politiques & Atheistes, desquels mesmes vous vous rendez

EPISTRE.

le protecteur & moyennneur : vous estes cause par vostre avarice & ambition insatiable, que le Roy est en mauuais predicament avec ses subiects, & les subiects miserablement opprimez. le sçay bien que vous voudrez contreroller cest Anagramme, de ce qu'il y à une lettre superflue & redondante, sçavoir est, S, qui vient apres vostre surnom, & que en telles Anagrammatifications, le deffaut ou redondance d'une seule lettre, fait que l'on ne doit s'arrester à ce qui en resulte. Mais ierespons sous correction, que par une divine providence, ceste lettre n'est icy otieuse, mais sert de beaucoup. Car comme elle suit vostre surnom & immediatement le, T, marque de la potence : aussi elle figure le cordeau qui vous suit, ou que vous traïsnez apres vous, pour le salaire de voſz insolences. Passons plus outre Pierre de Gauerston estoit Gascon & fils d'un Gentil-homme Gascon, homme de bien & de merite: on en peut dire autant de vous, & que vous auez eu un pere vaillant & vertueux, qui est la plus belle plume de vostre aïse. Mais comme Gauerston par sa mauuaise vie, obscurcit la gloire de son pere, pour n'en auoir suiuy l'exemple : aussi auez vous ainsi fait. Gauerston ayant une fois occupé tous les cabinets des bonnes graces de son Roy, ou à mieux dire l'ayant insatué & enforcélé, feist en sorte que autre que luy n'en pouuoit approcher, faisant disgracier & esloigner de la Court tous les Princes qui y estoient auparauant bien venus. Si vous voulez nier que n'ayez fait de mesme, vous serez seul qui deffendrez ceste negatiue, & quand il ny auroit

EPISTRE.

point de preuve, les parois & murailles des oratoires que vous auez fait faire au Louure, afin que fusiez logé seul près du Roy, pour mieux ensiler voz affaires, le iustificeront assez. Gauerston comme vous verrez, faisoit semblant d'aymer son maistre, mais le temps qui descouure tout, monstra assez que le galand aymoit encor mieux ses Thresors & Finances desquels il trafiquoit avec les estrangers. On peut dire de vous, que vous n'aez iamais aimé & n'aymez encor à present, l'honneur ny le bien du Roy vostre maistre, ains seulement vostre profit particulier, en luy donnant occasion & conseil pour contenter vostre auarice, de prendre & l'exiger sur son Clergé & sur son pauvre peuple, plus que la Loy & la raison ne le permet. Si vous eussiez suivi l'exemple de ce bon & fidelle seruiteur de Roy, l'Admiral d'Annebault, à la charge duquel & non pas aux merites vous auez succédé, il vous fust beaucoup mieux qu'il n'est, vous seriez en plus grand repos, & seroit vostre condition beaucoup plus ferme qu'elle n'est, & sans enuie. Ce bon Seigneur ayant autant fait de seruices au Roy François premier, que iamais homme feist, tant s'en faut qu'il pillast les deniers de son maistre, ou qu'il l'importunast à luy faire du bien, que le Roy luy ayant assigné cent mil liures en recognoissance de ses seruices, les refusa & ne les voulut prendre, disant, qu'il n'appartient à un subiect de demander ny prendre rien de son Roy, que premierement il ne le voye acquité de ses debtes. Propos bien dit, & digne d'estre engrané sur toutes les portes du Louure. Car

EPISTRE.

depuis ie ne sçay quel temps que telles sangsues de mignons comme vous, ont enchanté nos Roys, leurs liberalitez ou pour mieux dire, leurs effrenées prodigalitez n'ont esté autre chose, que la foule & oppression des pauvres subiects du Royaume, Gauerston abusant des graces & faueurs de son Prince, & ne sçachant tenir la bride à sa fortune, estoit si insolent, qu'il ny auoit Prince ny Seigneur qui ne fust moqué ou braué par luy. Je ne sçay ce qui est de vous, pour ce chef, pour n'auoir pas hanté la Court, mais si dit'on que vos deportemens sont semblables, & ny a eu petit ny grand en Court a qui vous ne ayez fait quelque escorne. En vne chose ie cognois que nostre France est plus miserable, que n'estoit pour lors l'Angleterre, qui ne manquoit de Princes courageux, qui contraingnirent le Roy Edoüard, quoy qu'il ayast son Gauerston, de l'enuoyer plusieurs fois en exil. Nos Princes n'ont pas encor eu ce courage, de demander à nostre Roy que fusiez chassé de la France, qui estes la seule cause de la combustion & desordre qui y est. Mais il faudra en fin que la necessité les y pousse, puis que vostre orgueil & ambition insupportable, croissent tousiours de plus en plus. Et Dieu vueille que ne soyez comme Gauerston, cause d'une guerre entre le Roy & nos Princes. En toute la vie de Gauerston, nous ne voyôs qu'il aye fait chose digne de louange. Nous ne sçauons ce que vous ferez à l'aduenir, mais d'une chose sommes nous assurez, que si ne faictes mieux que vous auez faict le passé, il ne sandra aucun papier pour articuler vos beaux faicts. Car quand à

EPISTRE.

ce gros & espès Aduocat, qui vous loua en plein
 Parlement de Paris, quand vous fustes receu Ad-
 miral, que vous estiez le puiot de la France (il de-
 uoit dire le pillart) & que vos actions seruiroient à
 la posterité, comme d'un champ Marathonien, pour
 y exercer la ieunesse: En bonne foy, il y acquist
 autant d'honneur, que feroit celuy qui pein-
 droit, la teste d'un homme avec le corps d'un
 asne ou d'un cheual. Frayement la France seroit
 mal appuyee, d'estre tournée sur un puiot, qui est
 tout pourry par un bout. Mon Dieu quel chāp Ma-
 rathonien! Et quel exercice de ieunesse! Qu'elle escol-
 le pour apprendre à former des pestes des Republi-
 ques! Quel exemple & patron à la posterité! Nous
 nous contentons prou de vous, & desirerions que
 fussiez phœnix ou unique indiuidu en ceste espece
 de mignon, puisque vous seul estes assez bastāt, pour
 perdre & renuerser toutes les Monarchies qui sont
 sous la voute du ciel. Mais quoy? Quand il ny a au-
 cun subi. Et de dire bien d'un hōme, on est contraint
 ou de mētir, ou de demeurer court. Cōme il est arri-
 ué depuis quelques iours à deux Aduocats du par-
 lement de Rouen, lors que fustes receu Gouverneur
 de Normandie. Car l'un d'iceux pensant ouvrir la
 bouche pour parler de vous, demeura tout muet, &
 l'autre peu apres le cōmencemēt de son panegyric, se
 trouua si confus, qu'il ne peut onc reprendre le pre-
 mier fil de son propos, Gauerston pour mieux assen-
 rer sa fortune, prit alliance (par le cōseil qui en fut
 donné au Roy) en l'une des plus grādes maisons d'An-
 gleterre, mais il experimenta par apres, que ce qui
 main-

EPISTRE.

maintient l'homme en sa grandeur, ny la force, ny les richesses, ny le grandes alliances, ains une seule modestie, vne amitié & bienueillance d'un chacun contractée de longue main. Vous auez suuy ceste peste, mais le finge demeurant tousiours finge, c'est à dire, Eſpernō persiſſāt tousiours en mesme orgueil, n'a peu par l'alliāce qu'il a prise en ceste grāde maison, rien aduācer pour se conseruer en tout de beaux Offices & Estats, qu'il sera parauanture bien tost contraint de vomir, pour estre morceaux trop difficiles à digerer, à luy qui a l'estomach trop foible. Je ne veux pas icy poursuyure tout ce qui se pourroit dire par cōparaison de vous deux, parce que ce seroit chose superflue, & crādrois que ceste epistre ne fust plus lōgue que l'heſtoire. Je diray seulement pour la fin, que cōme apres la mort de Gauesſon, tout fut pacifié en Angleterre, le Roy se reconcilia avec ses princes, & Barōs, & s'acōmada avec eux, il feist bon mesnage avec la Royne sa feme, & eut un fils qui luy succeda, la naissance duquel luy feist perdre la memoire de son mignō. Aussi nous en desirōs & esperōs autant quād il plaira à Dieu, vous chasser comme un prodeur de la patrie de ce Royaume, ou bien (de peur que ne retourniez cōme feist Gauesſon) de vous oster du tout de ce monde. Je le prie de bon cœur, qu'il vous vueille amender ce pendant, & vous faire la grace de bien recognoistre voſ fautes. Du Haure de grace, où nous vous attendions en grand deuotion, ce 16. May 1588.

Vostre bien affectionné seruiteur,

P.H.D.T.

SONET.

AV ROY.

SI' R E, chacun cognoist nostre neceffité,
Mais de vous secourir nous n'auos la puissance.
Car si de vostre part estes en indigence,
Vostre peuple est reduit du tout a paupreté.

Tout ce que nous pouuons pour vostre Maiesté,
Est, vous donner conseil en nostre conscience,
Que vostre fauori facie & Roy de France,
Et soy & son amy tel qu'il vous a esté.

Vous chagerez de hâce & sere & fai semblable,
Mis dessus puis dessous à l'orloge de sable,
Qui remplit le dessus en le mettant dessous.

Vous reprendre & l'Estat, les biens, & les richesses,
Que vous auez perdu, par vos grandes largesses,
Et sans neceffité sere & vous & nous.

HISTOIRE TRAGI- QUE DE PIERRE DE Gauerston.

PIERRE DE GAVERSTON, homme,
autant superbe, ambitieux & turbu-
lent que la terre porta iamaïs, fut fils d'un
Gentil-homme Gascon, lequel fut bien
aymé du Roy d'Angleterre Edouard pre-
mier, tant pour sa vertu & valeur, que pour
les beaux exploits de guerre & bons ser-
uices qu'ils luy auoit faits. En considera-
tion & recognoissance desquels, il feist
nourrir & esleuer Pierre de Gauerston en-
cores ieune enfant, avec le Petit Edoüard
son fils. Ce ieune Prince s'adonna tellement
à aymer Pierre, qu'il ne tenoit compte des
enfans des Princes & grands Seigneurs: &
ne vouloit estre seruy d'autre que de luy. Et
fut tellement enforcélé de son amour qu'il
n'en peur estre aucunement separé ny di-
uertie iusqu'à la mort, au moins d'esprit
& de volonté. Quand a Gauerston, com-
bien qu'il feist bonne mine & belle conte-
nance d'aymer reciproquement ce ieune
Prince, il aymoit toutesfois plus les presens
qu'il en receuoit, tirant par deuers soy tous
les thresors & ioyaux pretieux qui deuoyent
appartenir, au fils du Roy: lesquels il en-
uoyoit aux marchands d'outremer; pour

les faire profiter à son aduantage. Comme l'aage creut à Gauerston la malice creut quant & quant, & se rendit en fin si insupportable à tout le monde, que pour les plaintes qui se faisoient de luy & de sa vie, le Roy fut contraint par l'aduis commun des plus grands, de le chasser hors d'Angleterre. Cest Edoüard surnommé le bon Roy, apres auoir regné trente cinq ans, se sentant proche de sa fin, enuoya querir son fils, pour receuoir sa benediction & entendre de luy sa derniere volonré. Auquel entre autres choses il luy recōmāda & commanda sur peine d'encourir sa meledictiō, qu'il se gardast de reuoker d'exil ledict de Gauerston, qui auoir esté chassé du Royaume, par la sentence des Seigneurs du pays : si ce n'estoit que tous fussent d'accord de ceste reuocation. Car ce bon vieillard connoissoit, combien il estoit importāt pour le bié de son fils & du Royaume, que ceste peste ne reuournast en Court. En second lieu il luy feit entendre, comme il auoit pris la Croix, pour aller en personne en la terre sainte defendre les Chrestiens contre la violence des infideles. Or puis que ie n'ay eue le moyé (dit-il) de faire ce voyage & de m'acquiescer de mō vœu, voyla trente deux mille marcz d'argēt, que j'ay destinez pour y enuoyer cent quarante hōmes d'armes, avec tout leur train, qui y porteront avec

eux mō cœur, que ie desire y estre enterré.
 Et cela faict i'esperé en mon Dieu, que toutes choses leur succederont heureusement.
 Le vous recommande donc cest affaire & vous commande de la puissance paternelle que i'ay sur vous, (mon fils) & sur peine d'encourir ma malediction que vous devez grandement redouter, que vous n'employez ny despendiez cest argent, en autre usage. Et si vous faites autrement, vous serez le plus mal-heureux Roy de la terre. Le Roy estant decédé, Edoüard son fils ne se soucia des propos que luy auoit tenu son pere, & n'excuta aucun de ses commandemens: car contre l'opinion & volonté de tous les Princes & Seigneurs, il reuoqua Pierre de Gauerston, lequel tout aussi tost il feist Cheualier, & luy donna les trente deux mil marcs d'argent, que son pere auoit dediez à secourir la terre sainte. Depuis ce Gauerston eut le cœur si enflé, & deuint si insolent qu'il brauoit tout le monde & se moquoit des grands Seigneurs du pays, appellant le Comte de Lancastre badin, le Comte de Pembroc, Ioseph le Iuif, pource qu'il estoit palle & long: & le Côte de VVaruic, chien noir, Et ainsi faisoit-il à tous les autres, iusques à ce qu'ayant eu la teste tranchee, il montra par vne fin si miserable, qu'il ne faut qu'un tel petit compagnon se iouë ainsi & se mocque des grâds

4

Seigneurs; au lieu de les honorer & respecter. Estant dont Gauerston reuoké comme dit est, outre l'argent destiné pour le voyage d'outremer, Edoüard le ieune luy donna encores, le Conté de Cornubie & l'Isle de Man, principale piece & appartenance de la Couronne, sans en prendre l'aduis de pas vn des Princes & Seigneurs du Pays. Il feit encores plus. Car se delibérant de passer en France pour espouser madame Ilabeau fille du Roy Philippes le Bel, il luy laissa le Gouvernement & administration de tout le Royaume, qui apporta vn grand despit & mal contentement à tous les Seigneurs du pays. Les nopces faictes & celebrées à Boulogne, avec toute la magnificence qu'on eust sceu desirer, & ausquelles assisterent, le Roy de France, le Roy d'Angleterre son fils, & le Roy de Sicille, Edouard repasse en Angleterre avec sa nouvelle espouse. Et lors les Princes & grands Seigneurs viennent au deuant, & s'estudient à l'enuy l'vn de l'autre, qui leur feroit plus grand honneur. Entre les autres se vient presenter Gauerston, qui fut le mieux reçu, plus caressé, & regardé de meilleur œil que pas vn. Chose qui redoubla à ces Seigneurs, l'ennie qu'ils auoyent ja conceüe contre ce petit mignō, se reseruant d'en auoir la raison en autre temps. Or le iour sainct Mathias que le Roy & la

5
Royne deuoyent estre courōnez, les Comtes & Barons d'Angleterre, traicterent ensemble des affaires de l'estat, & requirerent au Roy que Gaueston fust chassé du Royaume. A quoy le Royne voulant consentir, se deliberent d'empescher son couronnement. Ce que craignant, le leur promist & iura de bonne foy, qu'il feroit tout ce qu'ils voudroyent au prochain Parlement qui se tiendroit. Le Roy & la Royne furent donc couronnez à VWestmoustier, avec vne grande solennité & magnificence, où assisterent Charles & Loys Comtes, & oncles de la Royne, Ieanne Duchesse de Brabant, le Comte de Sauoye & plusieurs autres Seigneurs. Or entre autres belles ceremonies qui s'observent au couronnement des Roys, l'une est, que le Calice & la platine de S. Edoüard, sont portez par le Chancelier s'il est d'Eglise: & la couronne & les autres ornemens Royaux, par les Seigneurs selon leur rang & dignité. Le Roy s'estant persuadé, qu'il n'auoit homme de plus grand merite, que son mignon, luy feist porter la Couronne quoy qu'il eust les mains souillees, & aux Comtes & Barons, la Croix, la verge les esperons & les espees, dont à bon droit tout le Clergé & le peuple en furent grandement indignez.

Cela faisoit leuer les cornes à Gaueston, & augmétoit son insolence de plus en plus.

Tellement que ayant le iour de ce couronnement fait crier vn tournoy à Vvalingfort, près le chasteau, il y assemble de toutes pars grâde chevallerie, & feist fouler indignement aux pieds de son cheual, les principaux Seigneurs du pays, qui venoyent contre luy. Entre lesquels estoient, Thomas Comte de Lancastre, Humfroy Comte de Herford, Eméry Comte de Pembroc, & Jean Comte de Varanne, qui estoient presque tous les principaux du Royaume. Lesquels portans fort impatiemment l'arrogance de Gauerston & l'iniure qu'ils avoient receüe, cherchoyent de iour en iour les moyens de le ruyner. Tellement que en l'an 1310. & le second du regne du ieune Edoüard, les plus grands & principaux du Royaume, considerans que le Roy estoit enforcelé de l'amour de cest homme, qu'il ne faisoit estat d'autre Conseil & compagnie que de la sienne, que toutes affaires du Royaume se vuidoient par l'aduis de ce mignon, & que rien ne passoit & ne s'expedioit, s'il ne parloit & s'il ne luy plaisoit, se trouuent grandement indignez & fachez: mais encores plus de ce que ce galland avoit plus l'argent que l'equiré, les presens que la iustice, & qu'il faisoit enlever les deniers qu'il avoit pillez & meschamment acquis, en ses fortes places, ou bien les envoyoit aux marchans d'outer mer, pour les

les faire profiter comme dit est. Et ce qui augmentoit encores plus leur iuste courroux & douleur, estoit de se voir ainsi mesprizez brauez, & precedez aux dignitez & honneurs par ce Gascon, auquel il ne se pouuoit remarquer aucune apparence de vertu, ny de prudence qui le recommandast. Voyez vous (disoyent-ils l'un à l'autre) comme nous perdons nostre temps d'endurer d'auantage l'orgueil de ce meschant & pernicieux homme! L'Estat s'en va perdu s'il vit encores guerres de temps. Il est donc de necessité d'en purger le pays & le faire mourir, de peur que par l'autorité du Roy dont il se iouë, & la puissance qu'il a il ne nous introduise en ce Royaume des estrangers, qui ne violeront pas seulement noz belles Loix & bonnes coustumes, mais nous chasseront en fin de ce pays. Ils demeurent tous fermes en ce propos & resolution, & en fin, quoy que bien tard, selon la coustume des Angloys, se voyans reduits à vne grande necessité, s'en viennent au Roy sans faire bruit, & le supplient humblement, qu'il luy plaise desormais traiter les affaires de son Royaume, qui auoyent grand besoin d'estre reglées, par le cōseil de ses Barons, afin d'obuier aux dangers eminens qui menaçoient l'Estat. Cela leur fut accordé par le Roy, lequel à ces fins fait assembler son Parlement & y appella ceux qui auoyent de coustume y assister. En ce Parlemēt ils supplierent instamment sa Majesté, qu'il donnast plaine puissance & autorité aux Barons, de dresser des arti-

cles concernans le bien & vtilité tant de son service que de son Royaume, & de tout l'Eglise d'Angleterre. Le Roy s'apperçent aussi tost ou tendoit leur requeste, & se desia qu'ils vouloyent demander la confirmation de la grand charte (qu'ils appellent) ou celle de la forest, ou bien (ce qu'il craignoit le plus) qu'ils voulussent ordonner que Gauerston seroit banny du Royaume. Cela fut cause qu'il fut long temps à se resouldre & a rendre responce a ceste requeste. Toutesfois vaincu par importunité, il se laissa aller en fin, & leur promist derechef, de maintenir & garder tout ce qu'ils ordonneroient. Ayant donc eu ce consentement du Roy, ils bastirent leur conseil de six Euesques & plusieurs du Clergé, assistez de personages du tiers Estat, sages & bien aduisez pour dresfer lesdits articles. Pierre de Gauerston s'estant trouué en ce Parlement, ne rabat rien de son orgueil accoustumé, ains desdaignant les Barons selon la façon ordinaire, desgorgea plusieurs propos iniurieux contre quelques vns, ce que toutesfois ils dissimulerent encores, esperant tousiours que le temps leur ameneroit quelque occasion d'en prendre la vengeance, comme de toutes ses autres insolences. Ce qu'il ne pensoit que iamais il aduint tant estoit auueuglé. L'annee donc 1311. & le troisiéme du regne dudit Edoüard, il feit tenir le Parlement à Londres, ou se trouua toute la Noblesse du Royaume, & la furent representez au Roy, les articles dressez comme dit est, pour la refor-

mation de l'Estat, lesquels les Barons requeroient instamment d'estre confirmez par sa Majesté, & sceillez de son seau : & aussi qu'il prestast serment de les garder & observer inuiolablement. Le Roy estimant que pour lors il ne falloit rien refuser aux Barons, feist le serment requis, & condescend à toute leur demande. Et afin que lesdits Articles fussent encores mieux gardez, l'Archeuesque de Cantorbrie avec ses suffragans, prononça sentence de excommunication, contre ceux qui y contrenuendroyent. Cela fait, lesdits Articles furent leuz publicquement en l'Eglise sainct Paul à Londres, en la presence du roy, des Prelats, Barons & Seigneurs du Royaume, entre lesquels on demandoit, que la grande charte fust observee, avec plusieurs autres prouisions necessaires pour le bien de l'Eglise & du Royaume. Que le Roy chasseroit de son pays (selon le commandement du feu Roy son pere) tous estrangers, & ceux qui luy donnoient meschât & pernicieux conseil. Que a l'aduenir toutes les affaires seroyent decidees par l'aduis du Clergé & des Barons. Qu'il n'entreprendroit dorel-nauant guerre, ne feroit aucune leuee d'impôst, & n'alieneroit aucune chose de son domaine, sans le conseil des dessusdits. Cela despleut merueilleusement au Roy. Toutesfoi il fut cōrraint pour lors d'en passer par là. Tellement que Pierre de Gauerston fut condamné de vuider l'Angleterre, & d'estre relegué en Hibernie, mais le Roy ne cōfirma pour

lors les autres Articles. Si est-ce que les Barons & Seigneurs furent fort resiouïs, d'auoir gaigné sur luy ce poinct, que Gauerston seroit chassé. Tellement que le Parlement finy, chacun se retira en sa maison fort content. Mais le Roy en reçeut vn tresgrád de splaisir, se voyant priué de celuy duquel il ne se pouuoit passer.

Cela fut cause que cherchât & recherchant tous les moyens de le pouuoir rapeller d'exil, il fut en fin conseillé par l'vn de ses plus intimes & fauoris, q pour le faire retourner en assurance & conseruer à l'aduenir sa fortune avec moins d'enuie, il falloit luy faire espouser la sœur du Comte de Glouernie, qui estoit encores ieune, & bien aymé de tout le Royaume, & sous la tutelle & garde du Roy. Estimant que par ce moyen tous les Seigneurs endureroient plus facilement de Gauerston, pour l'amour & honneur qu'ils portoyent au ieune Comte, estant vne fois son beau frere. Ce Conseil aussi tost donné, voyla Gauerston reuoqué, qui ne demeura gueres, qu'il ne fust marié avec la sœur du ieune Comte, lequel n'en fut content. Mais bien tost apres, le Roy & ceux qui luy auoyent donné ce conseil, se trouuerent grandement deceuz. Car au lieu que Gauerston se deuoit recognoistre pour l'exil qu'il auoit iustement souffert, & faire son profit de ceste alliance, elle luy enfla le cœur d'auantage, & braua encores plus la Noblesse qu'il n'auoit fait auparauant. Et non content de telles brauades, il effemine & infatuë le cœur du Roy, & le

destourne de garder la promesse qu'il auoit donnée en plain Parlemēt, de ne traicter des affaires du Royaume sans l'aduis des Seigneurs. Il dispose & se ioue cōme auparauāt des thresors & Finances de son maistre, & apres auoir crocheté tous ses coffres, il le rendit si pauvre & necessiteux, qu'il ne luy demeura vn soul pour subuenir à la despenſe ordinaire de sa maison. La Royne pareillemēt se trouua en vne necessité extrême aussi bien que le Roy, à laquelle se voyant reduite, fut contrainte d'en escrire au Roy de France son pere, non sans vne abondance de pleurs & larmes. Lequel fort estonné d'vn si grand desordre aux affaires du Roy, & d'vn si maigre traitement que receuoit la fille, par l'artifice de ce mauuais garnement de Gaueston, escriuit aux Comtes & Barons d'Angleterre, qu'il s'esbahissoit cōme ils souffroyēt regner vn relabus & vne telle insolence. Cependant l'orgueil & arrogance de ce galant croissoit tousiours de pis en pis. Il se mocquoit des plus grands, il nasardoit les mediocres, & se vantoit qu'en despit d'eux, il feroit tout ce que bon luy sembleroit, & n'y auroit homme qui l'en peust empescher. Ce que cognoissans les Barons, & mēme que leur trop longue patrièce estoit causée que Gaueston deuenoit plus proterue & insolent: tous d vne commune & ferme resolution, viennent au Roy, & le prient instamment, de chasser ce mignō hors de sa Cour en executant les Articles qu'il auoit si saintement iurez, autrement qu'ils auoient tous pro-

testé de se bander & s'effeuer contre luy cōme contre vn periure. Cela luy sembloit fort estrāge, parce qu'il ne se pouuoit passer de la cōpagnie de ce Gascon, mais d'ailleurs, apres auoir balacé la necessité ou il estoit avec les grands biés & moyés de ces Seigneurs, son impuissance avec leurs forces, il aduifa qu'il luy estoit force de s'accōmoder au tēps. Tellement qu'il leur accorda la requeste plus par crainte que par amour, plus par necessité que par vne bonne & franche volōté.

Et en ceste façon permist que son mignon seroit derechef banny, à telle condition, que si par apres il estoit rencontré, dedans les bornes du Royaume, il seroit aussi tost apprehendé & mis à mort, comme vn ennemy capital de la patrie. Cela fut executé, & à cet effect fut conduit en France sous bonne garde, non sans grands regrets & larmes respandues, par ce pauvre banny. Le Roy de France ayant entendu qu'il estoit entré en son Royaume, le feist rechercher en toute diligence par ses Preuosts des Mareschaux, auxquels il cōmanda luy mettre la main sur le collet, & d'en faire punition exemplaire, afin de luy oster les moyens de retourner en Angleterre, pour troubler encores sa fille, & broüiller le Royaume. Mais le galād ayant ouy le vent de ceste recherche, serre bagage & se retira en toute diligence au pays de Flandres. Ou ne se sentant plus assuré qu'en France, s'enfuit tantost en vn lieu, tantost en l'autre, cōme vn miserable vagabond, ne trou-

nant aucun repos ny assurance, tant il estoit
 bourrellé en son ame & en sa cōscience. En fin
 se voyant au desespoir, & se representant d'un
 costé la faueur que le Roy luy portoit, & d'autre
 costé l'alliâce qu'il auoit contractée, avec le
 Côte de Glouernie, duquel il auoit espousé la
 sœur, se delibere, quoy qu'il aduint, de retourner
 en Angleterre. Ce qu'il execute aussi tost,
 & menant avec luy quelques Gascons, se vient
 ietter entre les bras du Roy. Lequel mettant
 sous le pied tous les sermés & promesses qu'il
 auoit faictes, le reçoit avec autant de ioye, cō-
 me si ce eust esté vn Ange descendu du ciel, &
 le retint à sa suite luy & son train. C'estoit vn
 peu auparauāt la feste de Noël, laquelle le Roy
 passa à Londres en grande ioye, pour la venue
 de Gauerston iadis Côte de Cornubie. Mais si
 le Roy s'en resioüissoit toute la Cour avec la
 Royne, conceuoit grande fascherie de veoir le
 Roy si affoté & affolé de ce miserable. Le bruit
 courut incontinent par tout que, Gauerston
 estoit retourné d'exil. Ce qui engédra vn grād
 despit & creuecueur aux grands & aux petits
 d'auoir esté iusques icy si malheureux, que de
 ne l'auoir encores sceu exterminer de la Cour
 & suite du Roy, quelque chose qu'ils eussent
 peu faire. Ce fut alors que tous les plus grands
 Seigneurs du Royaume, cōsulerent ensemble
 par quels moyens ils pourroient mettre fin fi-
 nale à ce desordre, & aux grāds troubles qu'ils
 preuoyoient iusfailliblement arriuer, s'il n'y e-
 stoit prōptement remedié. Ils craignoient cō-

me le feu, d'exciter vne guerre en leur pays, & n'osoïent bonemēt troubler & trauailler le Roy à guerre ouuerte. Toutesfois apres auoir pesé & balacé les raisons & dangers d'une part & d'autre, ils trouuerent que pendāt que Gaueston seroit en vie, le Royaume ne pourroit iamais demeurer en paix & repos: que le Roy seroit tousiours necessiteux: & que la Royne ne seroit iamais biē venue, aymée ny honorée de son mary comme elle deuoit.

Apres auoir donc considéré diligēment, tous les dāgers du passé & du présent, & preueu ceux qui pourroient arriuer, ils resolurent entr'eux, de souffrir plustost & endurer toutes choses, que d'estre ainsi ignominieusement mesprisez à l'aduenir par cest estrāger. Ils eslisent vn Chef pour la conduicte de leur entreprise, Thomas Cōte de Lanclastre, hōme de noble & anciēne race, opulent en biēs, vaillant au possible, & sur tout hōme de bien & de vertu. Iceluy donc par la cōmune opiniō de la Noblesse, enuoye pardeuers le Roy, personnes honorables, pour le supplier de la part de tous, qu'il leur liurast es mains Pierre de Gaueston, ou biē qu'il luy cōmandast de vuyder le Royaume cōme, il auoit esté ordōné. Le Roy conduit par son mauuais cōseil, ne tint pas beaucoup de cōte de leur requeste, lequel les quicte là & s'en vient à neuf Chastel sur Tyne, ou il sejourna iusqu'à l'Ascension. Cependant les Barons & Seigneurs considerans que le Roy se mocquoit d'eux, assemblēt vne forte armée, qu'ils fōt suyure apres, nō
pour

pour faire aucun tort ny fascherie à leur Roy & Seigneur, mais seulement pour piétre Gauerstō, & en faire iustice selō les iugemēs qui en auoiet ja esté dōnez. Le Roy voyant que ces Barons le poursuiuoiet à guerre ouuerte, comme si ce eust esté quelque banny ou fuitif, ils'enfuit avec son mignō en grāde haste, & se viēt rendre à Tyne-muth, ou estoit la Roine, qui le pria à chaudes armes de demeurer là avec elle. Mais ayant plus de pitié de Gauerstōn quē de sa femme, & ne se sentāt alleuré, passa plus outre dans vn bateau, & se rendēt tous deux a Scardebourg. Auquel lieu y auoit vn fort chasteau, mais il estoit desgarny d'armes & viures. Le Roy cogneūt que la place n'estoit pour lors tenable, qui fut cause qu'ils en vint au pays de VVaruic, laissant en ce Chasteau Gauerstōn, avec quelque nōbre de gēs ausquels il le baillē à garder & cōmanda de garnir la place de viures. Les Barons ayās descouuert la fuite du mignō, ils se saisissent des cheuaux, armes, & autre butin qu'il auoit laissé à neuf Chastel, lesquels ils font appretier, & les baillēt en seure garde. De là ils poursuiuēt leur homme en toute diligence, & le viēnt assieger à ce Chasteau de Scardebourg ou le Roy l'auoit laissé. Et l'assaillirent d'vne telle furie, qu'en peu de temps la garnison qui estoit dedans, n'y peut plus résister. Et lors le pauvre Gauerstōn voyant qu'il n'y auoit plus de moyen de fuyr, se rēd à eux sous cōditiō, que sans aucune exceptiō, il se submettoit au iugement des Barons: ausquels il ne demāde autre chose, sinē qu'il luy fust permis au moins enco-

res vne fois, de dire vn mot au Roy son Maistre, auant que de mourir: On rapporta soudain au Roy la prise de Gauersto, qui en fut tresmarry: il demanda à parler à luy, & pria les Baros de luy sauuer la vie, leur promettat, que s'ils luy accordoient cela, qu'il feroit tout ce qu'ils voudroient. Le Comte de Pembroch trouua la promesse du Roy honnelle, & qu'il ne la falloir mespriser: & fut d'avis qu'on accordast sa demande, le faisant fort, sur peine de perdre tous ses biens, de leur rendre Gauersto sain & saue apres qu'il l'auroit fait parler au Roy. On luy bailla dōc Gauersto en garde, à la charge de le représenter sans aucune fraude, au iour & lieu ordonné. Ainsi ce Côte le pria pour le mener vers Vvalingford, & come il approchoit d'un village nommé Dadington pres de Vuarvic, il le bailla en garde à ses gens, pendant qu'il passeroit la nuit avec sa femme. Le Côte de Vuarvic en ayant ouy la nouuelle, s'en vint la mesme nuit avec grand nombre de soldats, & tira Gauerston des mains des gens du Côte de Pembroch. Or come on assembla le conseil, pour consulter ce qu'on feroit de Gauerston, sçauoir s'il seroit plus expediēt de le tuer, ou bien le redre au Roy qui le demandoit: Quelqu'un de la compagnie, homme de grand cerneau & bien aduisé, se leue & leur parle de ceste façon. Messieurs ce seroit chose vaine & ridicule, apres auoir long tēps couru & pour luy vne proye, & en fin prise avec toutes les peines & difficultez du monde, de la laisser échapper de nos mains, pour courir derechef après. Ne nous deuons souuenir des deportemens.

de ce mal-heureux, des crimes & forfaits qu'il a
cōmis, de la perte & dōmage qu'il a apporté à
toute la patrie, des moqueries, mespris & braua-
des qu'il a fait à vn chacun, de l'arrogance & or-
gueil dōt il a tousiours vsé en tous ses faits & ses
propos. Il faut aussi que nous soyōs memoratifs,
des peines & travaux que nous auōs souffert, tāt
en cōmun qu'en particulier, des fraiz & despens
innumerables qu'il a fallu porter, de plusieurs
fâcheries & ennuy, desquelles ie ne voy enco-
res le bour, qu'il a conuēnu endurer auant que
prēdre ceste proye. C'est pourquoy de peur que
elle ne nous eschape des mains, & que ne veniōs
à tomber en mesmes incōueniens, le suis d'auīs
que cest hōme si pernicieux meure plūstost, que
de voir le royaume troublé d'aduantage, par vne
guerre, dōt il est cause. Ce cōseil fut trouuē tres-
bō, & fut suiu de toute l'assemblée. Et incont-
inent on fait sortir Gaueston de la prison, lequel
eut la teste trēchee, cōme vn cōtempreur & vio-
lateur des loix, & cōme vn traistre & proditeur
du royaume. Voyla cōment celuy qui autrefois
appelloit le Côte de Vvaruic, chien noir par mo-
querie, sentit en fin la morsure piquāte de ce Sei-
gneur cōme il luy auoit predict. Le corps de Ga-
ueston fut porté par les Iacobins à Oxford, &
demeura chez eux plus de deux ans, iūsques à ce
que le Roy l'eut fait transporter en son Palais à
Ligley, & enterrer en l'Eglise des Iacobins qu'il
y fit bāstir, ausquels il assigna reuenu, pour viure
& pour prier Dieu, pour l'ame de Gaueston &
des rois ses predecesseurs. Auquel lieu, il fit faire

vn tres-beau seruice avec autant de pompe, que si ce eust esté à vn roy, mais pas vn des Barons & Seigneurs n'y voulurent assister. Lesquels en fin estâs venus à bout de leurs desseins, enuoient requerrir le roy, qu'il luy pleust cōfirmer & exécuter les Ordōnances qui auoient esté faites, le menaçât que s'il ne le faisoit en brieſ, ils luy feroiēt faire par force. Et de fait ayât assemblé vn atmee, ils viennent occuper tout le pays qui est aux environs de Dunstaplie, le roy estât pour lors à Londres. Les Prelats & le Côte de Glouernie, voyant que ceste diuisiō estoit fort dāgereuse pour tout l'Estat, font tout ce qu'ils peuuent, pour cōposer le tout par vne bonne paix, & accorder les deux parties. Il y auoit aupres du Roy des boutefeux, qui empeschoyēt ceste vnion, & qui par faux rapports qu'ils luy faisoient des Barōs, accroissoient tousiours le mal-tālēt qu'il leur portoit. Le Pape voyant que ces diuisions ne pouuoient apporter qu'vne confusiō au royaume, & vne grāde playe à l'Eglise, enuoye expres deux Cardinaux, pour reconcilier ces Princes avec leur roy, & empeschier le cours de ceste guerre qu'il voyoit allumee. Mais les Princes & Seigneurs leur respondi-
rent, qu'ils se passeroiēt bien de leur cōseil, qu'ils auoient en leur cōpagnie, gens de bien, de vertu & de grande experience, par l'aduis desquels ils s'estoient gouuernez & conduits: qu'ils n'auoiēt entrepris ceste guerre, que avec iuste raison & grāde necessitē: qu'ils les prioient de se deporter de cest affaire, de laquelle quand ils seroient bien informez, ils estimoyēt qu'ils iustificeroient tou-

siours leurs actions. Or le Roy se sentant foible,
 tient son Parlement à Londres l'an 1313. ou il fait
 cōuoquer le Clergé la Noblesse & le tiers Estat.
 Et la il fait de grâdes plaintes deuât tous, du mes-
 pris & rebelliō que luy auoyēt fait les Barōs, des
 dōmages qu'ils luy auoyent procuré n'agueres à
 neuf chastel, & (ce qui luy pesoit pl⁹ sur le cœur)
 de la prise & meurtre commis à la personne de
 son mignō. Lors les Barōs respōdent tous d'vne
 voix, que sauf l'honneur & reuerence qu'ils de-
 uoyent à leur Roy, ils n'auoyent en rien failly
 en tout ce dont il s'estoit plaint, ains tout au
 contraire, que toutes leurs actions meritoient
 bien plustost son amour & bonne grace, qu'vne
 disgrâce & des faueur. Quant aux armes qu'ils
 auoyent leuees, que ce n'auoit point esté con-
 tre sa personne ny pour le mespriser en rien,
 mais biē ne vouloiēt-ils nier que ce ne fust pour
 exterminer l'ennemy public du Royaume, qui
 auoit esté ja bāny tant de fois par le cōsentement
 de deux Roys, & de tous les Estats du pays: qui
 auoit esté cause que la renommee du Roy auoit e-
 stē diffamée par tous les estrāgers: qui auoit pillé
 & espuisé tout le bien & substāce du Roy & du
 Royaume: qui auoit dōné occasiō d'vne si lōgue
 diuision entre le Roy & ses naturels subiects. Ils
 adioustēt encores à leur propos, qu'ils vouloiēt
 voir la fin de cest affaire, sans differer plus lon-
 guemēt par paroles & promesses vaines & inuti-
 les. Que iusques icy ils auoient beaucoup despē-
 du & travaillé, pour cest affaire, pour laquelle
 mesme ils auoient mis tous leurs amis en peine,

sans tirer aucun fruit de la reformatiō qu'ils auoient tousiours desirée & recherchée. Les Barons parlerēt ainsi hardimēt & avec telle animosité, qu'ils protesterēt plustost mourir, que de remettre l'affaire en autre tēps. La Royne sage & vertueuse Princesse marrie de ceste diuision, fait tout ce qu'elle peut avec les Prelats & le Comte de Glouuernie, pour l'apaiser. Ils courēt vers les vns & les autres, taschant par belles remōstrances flechir & amollir le cœur des deux partis, & procurer par ce moyen vne bōne recōciliation. En fin ils font tāt, qu'ils amēinent le Roy à ceste raison, sçauoir, qu'il deposeroit toute haine & mal-veillance qu'il auoit contre les Barons, & mettroit soubs le pied tout ce qui s'estoit passé entr'eux & luy, pourueu qu'ils s'humiliasēt de uāt luy, & demādassēt pardō de l'offense qu'ils les receuroit à vne bōne paix & recōciliatiō sans aucune dissimulatiō ou fainctise: Que pour l'aduenir ils les traicteroient comme ses liges & feaux seruiteurs, & mettroit à execution finale les Articles par eux tāt de fois demādez. Et pour le regard de la mort de Gaueston qu'il n'en rechercheroit aucun: pour assurance dequoy il feroit expedier lettres d'impunité à ceux qui en demāderoient. Les choses ainsi passées & accordées, les Cōtes & Barons cōgnoissans la necessité du Roy, luy offritēt liberalēmēt le quinziēme denier de leur reuenu tēporel. Et en ceste façō chacun s'en retourna de ce Parlemēt en ioye en paix & en repos. En ce tēps mesme, la Royne Isabeau accoucha de son premier fils. Et cōbiē qu'il y eust pour

lors plusieurs grâds Seigneurs & Dames de France, entre lesquels estoit Loys fils du Roy & frere de la Roynie, qui desiroiēt qu'on dōnast au petit enfāt le nō de leur Roy. Toutesfois les Seigneurs d'Angleterre ne s'y voulurēt accorder, & le nōmerēt du nom de son pere Edoüard, à la natiuité duquel toute l'Angleterre en reçeut grand ioye. Et le pere en eut tel plaisir, que celatēpera la douleur qu'il auoit prise de la mort de Gauerstō, Depuis ce iour là par vne prouidence de Dieu, l'amour du pere au fils cōmença à s'accroistre & la souenance de Gauerstō s'esuanouit, & le Roy s'accommoda à la volonté de ses Barons.

Toutesfois, comme le naturel de ce Roy estoit variable & inconstant il ne demeura gueres en cest Estat, par le conseil de Hugues le despensier, qui succeda à Gauerstō, aux mēmes hōneurs & malice. Car il n'alluma le feu aucunement estint, des desffiances, haines, & inimitiez, entre le Roy & la Roynie, qu'il fist chasser du Royaume. & les Barons & Seigneurs, qu'il fist decapiter, comme il sera deduit, par ce petit aduertissement, que j'ay adionstē à ceste histoire, afin de conduire Edouard insques au tombeau comme nous auons fait son mignon.

A V. LECTEUR.

Si la condition de Pierre de Gauerstō a esté miserable, celle de ce Roy Edouard le fut encōres plus. Froissart au commencement de son histoire, recite qu'il y a eu ordinairement, vne telle rencontre en la succession des Roys d'Angleterre, que entre deux bons, il s'en est trouué vn meschant: entre deux belliqueux & vaillans, vn fayneāt: & entre deux sages & prudents vn dissipateur & prodigue. Cela se reco-

gnoist à l'œil, en cest Edouart, son pere, & son
 fils. Car quand à Edouard 3. fils de cestui-cy il
 fut homme de grand esprit, de grandes entre-
 prises & grand guerrier, ayant fait souuent pa-
 roistre sa vertu & prouesse, tant contre l'Ecos-
 sois que contre le François, sur lequel apres vne
 grande victoire il conquist la ville de Calais.
 Le pere sur nommé aussi Edouard, eut trois ver-
 tus entre autres, qui le rendirent espouuenta-
 ble à ses ennemis, admirable à ses amis, amiable
 à ses sujets, & recômandable à la posterité. Il au-
 uoit grande cōfiance en Dieu, & grād zele à la
 Religio Chrestienne, le vray & solide fondemēt
 pour establir & cōseruer l'Estat d'vne monar-
 chie. *Imperatorum robur & firmitas Dei amicitia est,*
sancta Religio est, disoit Isidore. Il auoit proposé
 comme il a esté dit, de faire le voyage de la ter-
 re sainte & y mener vne armee pour guerroyer
 les Sarrazins, s'il n'eust esté retenu par les guer-
 res Ciuiles, & preuenü de mort: qui estoit lors
 l'exercice de pieté des Roys Chrestiés, n'ayans
 aucuns ennemis de Dieu plus proches à com-
 battre. Ce fut le plus belliqueux & vaillant de
 son temps, comme il monstra par experience,
 en plusieurs belles victoires, qu'il obtint sur les
 Escossois ses voy sins, en l'vne desquelles il en
 deffist iusques au nombre de soixante mil, sans
 faire perte des siens, que de sept mil tant seule-
 ment: & adiousta à l'Angleterre toute l'Escos-
 se. Il fut aussi fort amateur de son peuple & re-
 ciproquement bien aymé d'un chacun, en tes-
 moi-

moignage de quoy on l'honora de ce beau tiltre & surnom de bon Roy. Edouard son fils ne luy ressembloit en rié qu'au seul non, ains degenera du tout de sa race & vertu. Il se mocqua & ne tint compte des beaux aduertissemens & preceptes qu'il luy auoit dōnez auant sa mort, dont il encourut iustement sa malediction. Qui fut occasion (comme remarque V Valsingham,) que tout le reste de sa vie fut suyue & accompagnée d'un perpetuel malheur, qui le precipita en vne fin encores plus funeste & miserable. Car contre le commandement du pere, il profana & prodigua les deniers destinez pour la deffence de la Religion, & les donna à son mignon pour commencer son magasin. En quoy il commist double crime, de sacrilege, & d'une insigne ingratitude & desobeissance à son pere. C'estoit vn homme de neant, ennemy de toute vertu, & gens de bien, lesquels il ne desiroit pres de luy, sinon pour seruir de montre en sa Court, sujet à ses plaisirs, ne se souciant aucunement des affaires de son Royaume, & qui auoit l'ame poltrone. Les François luy broüillerent fort la Guyenne, & luy en firent bien petite part, s'emparant aysement des plus belles places pour n'auoir aucune resistance.

Tout ce que son pere auoit conquis sur l'Ecossois, fut aussi tost perdu par sa fayneantise. Car le Roy d'Ecosse non seulement reprist & regaigna ce qu'il auoit perdu, mais empieta sur luy vne grande partie d'Angleterre, en laquel-

le il feist tel degast, qu'il brussa par deux fois, iusques à cinq iournee destendue de pays. Si ne fut il en rien esmeu de tout cela, se reputât encores assez riche & heureux, pourueu qu'il ne fust troublé ny interrôpu, aux aises & plaisirs qu'il prenoit avec ses mignons. Enquoy, ie le compareray volontiers a l'Empereur Galien, loisiuereté & lascheté duquel fut cause de la perte & ruyne de l'Empire. Galien s'amusoit au printemps à faire des maisons de roses, & en l'Automne a faire des Chasteaux de pommes. Et quand on luy venoit annoncer, tantost que l'Égypte s'estoit reuoltée, tantost qu'il auoit perdu l'Asie, tantost que les Gaulois auoient secoué le ioug de son obeissance. Et bien disoit il, nous nous passerons facilement du lin d'Égypte, nous viurôs bien sans ceux d'Asie, nous n'auons que faire des Gaulois. Et ainsi se rioit de la perte des autres Prouinces, qu'on luy annonçoit tous les iours. Il fut mal voulu de de son peuple, qu'il accabla de grans & excessifs impôts, apres auoir vendu, engagé & donné vne partie de son domaine, & tout pour contenter ses mignons. Quel auenglement ie vous prie, qu'elle indignité, qu'elle cruauté, d'apauvrir tout vn Royaume, de faire mourir de faim tant de gens pour enrichir ie ne scay quels coquins qui ne seruēt de rien au public. Quelle folie & oubliance, de donner à vne ou deux personnes indignes, ce qui suffiroit à récompenser tous les Cheualliers & braues Capitaines d'un Royaume? O que le Roy est vn

mauuais pupille, disoit Alexandre Seueri, qui des entrailles des subjects nourrit & esleue gés inutiles, & desquels la republique ne peut esperer aucun bien. Il traicta indignement sa Noblesse, luy baillant toutes les occasions de mal-contentement, & principalement les Barons & Seigneurs, qu'il hayoit mortellement, par l'induction de son meschant conseil, qui empeschoit par tous moyens, qu'il ne fust bien auecques eux, afin de faire mieux ses affaires. Ioint qu'estant vicieux & depraué, ne vouloit veoir les gens de bien, & de vertu, qui se plaignoient incessamment, d'un tel desordre qu'il voyoit aux affaires de l'Estat. Et d'autât plus qu'il cherchoit vn repos se plongeant en delices, d'autât plus Dieu permist qu'il fut moins en repos: Car autre les affaires que luy donnerent Les François & Escossois, les Barons & Seigneurs furent contrains luy faire guerre comme nous auons dit en la vie de Gauerston. Et la Royne se voyant chassée d'Angleterre, se refugia tantost en France tantost en Flandres, dont elle retourna avec plusieurs Princes & Seigneurs, qui luy ayderent d'argent & de gens, pour auoir la raisõ de luy & de son pernicious conseil. Il estoit grand hypocrite, pensant couvrir vn grand nombre de faicts enormes pour auoir basti & edifié vn Couuent de Iacobins, qui est tout le bien qu'il feist iamais en sa vie. Mais comme la tache ne se peut cacher à la face de l'homme, aussi les vices des grands ne se peuuent desguiser quelque pretexte qu'on leur

baille. Ce qui est plus à remarquer en ses vices,
 est la perfidie, & desloyauté. Ses Barons le con-
 traignirēt plusieurs fois à tenir ses Estats pour
 reformer les abus de sa Cour, ausquels il pro-
 mettoit mons & merueilles, avec serment de
 garder ce qui y estoit résolu, mais au partir de
 la se voyāt sorty de la presse, il se moquoit de sa
 promesse & n'en vouloit rien tenir. Combien
 vne Republique est à plaindre, qui est gouver-
 nee par Chef si desloyal! Marc Antoine disoit
 tres-bié, que la chose plus calamiteuse en l'Estat
 est quād la foy est violee, sans laquelle nulle ver-
 tu peut estre assuree, nulle societé entre les hō-
 mes ne peut subsister, & principalemēt quand
 le Roy qui est le soustien & la base d'icelle, est
 muable & inconstant en ses promesses. Il ne
 peut autrement qu'il ny ait vne perpetuelle de-
 fiāce de luy à ses subiects, & merite à bō droict,
 (comme dit Aristote du menteur) qu'on ne s'al-
 seure iamais en luy. Les Samnites (comme dit
 Tite-Liue) ayans plusieurs fois violé la foy &
 alliance qu'ils auoyent avec les Romains, en-
 uoyerent vn iour à Rome Ambassadeurs, pour
 la renouueller. Mais on leur feist vne belle re-
 sponse au Senat. Messieurs les Ambassadeurs,
 si les Samnites qui vous ont enuoyez, eus-
 sent tousiours gardé leur foy, on vous eust vo-
 lontiers ouys, pour renouer vos alliāces. Mais
 pourceque nous auons souuent apperceu, que
 lors que vous demandiez paix, vous vous pre-
 pariez à la guerre, nous ne nous arresterons
 plus aux paroles, mais à l'effect & à la cho-

se. Et partant nous vous faisons sçauoir, qu'en bref nous enuoyrons vne armee en vostre pays pour experiméter, si vous aymez mieux la guerre que la paix.

Or Edoüard se sentant tant de fois trauersé en ses aydes par ses Barons & Seigneurs qui iustement poursuyuoient vne bonne reformatiō, il accompagna, par le cōseil de Hugues le Despencier, sa perfidie & desloyauté, d'une cruauté insigne & memorable. Car seignāt luy mesme, qu'il recognoissoit la maladie du royaume, à laquelle il desiroit remedier, il feist assembler ses Estats. Mais à la verité, c'estoit pour attraper les Princes & Seigneurs, & les faire mourir. Ils s'y trouuēt fort volontiers, ne se desfiāt de ceste trahison, ains estoient bien ioyeux de veoir le Roy disposé de luy mesmes, à faire ce qu'ils ne luy auoient encorēs peu persuader. Et alors il en feist apprehēder iusques au nōbre de vingt & deux, ausquels il fit trancher la teste. Entre lesquels y auoit Thomas de Lāclastre son Oncle, hōme de sainte vie, qui feit plusieurs beaux miracles apres sa mort, & fut en fin canonisé comme tesmoigne Froissart. Quand ie contēple les faits & dicts de ce miserable Roy, il semble qu'il ayt pratique toutes les reigles pernicieuses de ce perdu Machiauel ou biē que Machiauel ayt pris sa vie pour exemple & patron des autres meschans Roys, & d'oū il a puisé ses reigles: comme est celle qui dit, qu'il suffit a vn Roy faire semblāt d'homme de bien, ores qu'il

ne le soit, d'estre plus craint que aymé, d'entretenir diuisions entre ses subjects, de ne craindre à se pariurer, de ne garder sa foy, d'appauvrir ses subjects pour les tenir en bride, de faire vne multitude d'Officiers, & plusieurs autres semblables. Mais c'est assez parlé de sa vie, sans s'arrester à reciter les autres crimes horribles dont il estoit comblé. Le viens maintenant à la fin qui fut aussi honteuse que sa vie. Car apres auoir esté degradé & depose de la dignité Royale, dont il s'estoit rendu indigne, les Seigneurs du pays le feirent mourir d'une broche rouge de feu, laquelle ils luy lancerent par le fondement. Hugues le Despésier le ieune n'eut meilleur marché, ains fut puny selō ses demerites. Car en detestation de sa sodomie, on luy couppa les parties honteuses, & luy fut le cœur arraché & mis au feu, qui auoit couué & fabriqué tant de mauuais conseils, tant de perfidie & trahison. Nous pouons iuger par ce petit discours, en quel estat estoit l'Angleterre durant le regne de ce fol & effeminé Edoüard. Il n'eust plus fallu, qu'une semence d'heresie y eust pris pied & racine, pour aduancer sa totale ruine. Certes elle y eust trouué beaucoup d'accez & de faueur. La diuision du Roy & des Princes luy eust seruy de planche. Elle eust trouué vn Roy, qui pour ne perdre le repos de sa vie brutale, eust plustost souffrir toutes sectes que de les vouloir exterminer. Elle eust recōtré vn conseil de mesme, qui pour mieux pescher en eau trouble, eust tenu la main, à ac-

corder vne liberté de conscience. Elle n'eust manqué d'un Gauerston ou d'un Hugues le Despésier, qui pour diuertir vne guerre contre les heretiques, eussent broüillé les cartes & nourry diuision entre les princes Catholiques: & plustost practiqué l'alliance avec tous les diables d'enfer, pour empescher qu'on ne vint a faire recherche exacte de leur vie. Dieu vueille auoir pitié des Republiques, qui sont sous le ioug d'un tel Chef, & gouvernees par vn si dangereux conseil.

FIN.

*REQUESTE PRESENTÉE PAR LES
Estats de la France à Messieurs du Conseil.*

MESSIEURS qui gouvernez l'Estat de ceste France

Qui des affaires seuls prenez la cognoissance
Qui voyez nostre Roy estre en necessité
Trop plus que iamais Roy de France n'a esté
Encor qu'a sçô Domaine il ay ioint les Prouinces
Les Duchez & Contez qu'auoyët iadis les Princes.

Dites no's il vous plaist ou sont tous les deniers
Qu'auéz de vostre temps pris sur les officiers.
Creés tout de nouueau & dont iamais noz peres
N'auoyent ouïy parler côme non necessaires,
Des Proceureurs, Adioints, substituts, Côtroleurs
De contrats, Rapporteurs de crieés, Priseurs
Vendeurs, Cabaretiers, Receueurs des espices
Des consignations & des nouueaux offices

De Controlleurs de foin: & que tous les mestiers
 Nous auez en vn coup créés pour officiers
 Clercs du Greffe, Courtiers, des sergens de gabel-
 le

Collecteurs de la taille, & la façon nouuelle
 D'auoir le parisis, des espices le droit,
 De consignation qu'on prend contre tout droit
 Assesseurs, Enquesteurs, gardenotes, Notaires
 Royaux, par tous les Bourgs les nouveaux Secre-
 raires

En chaque Preuosté Conseillers, Presidens
 Lieutenans des Esleus, & infinis sergens
 Qui exploitent par tout alternatifs contables
 Les impositions au peuple insupportables
 Sur les toilles, les cuirs, les draps & le papier
 Les cartes & les ders, brief sur chaque mestier.
 Ou est le pris receu du domaine vendu
 Et le bien du Clerge follement despendu,
 Des rentes de la ville on retient deux anne
 Qui sont six millions: les villes sont chargées
 D'emprunt par chacun an, les payfans pilléz
 De gens d'armes par tout pour n'estre point payez
 Le droit du vin double, la gabelle triplée,
 De puis qu'estes en Cour la taille est quadruplée:
 Que veult dire cela les dix Roys precedens
 N'en ont point tant leué que vous depuis douze
 ans

Ce seroyent de deniers au Roy bien necessaires.

R E S P O N C E.

Retirez vous, Messieurs, no^s faisons noz affaires.

F I N.

